



07222

施愚山先生學餘詩集卷之六

五言古

書感

上哲能不憂中人尚知足偃鼠飲長清
快意在滿腹神龍失所依進退成抵觸
天道亦何常平地多翻覆積毀詎有階
守正豈蒙福吉凶吾曷從握粟未敢卜

清源行

視學秩滿將歸道經臨清諸生携具相餉
却再四不可嗟乎施子服官不得盡其道
循職而已諸生復何德予哉作清源行

駕言及星爛輟軌已夕陽逝將返初服
戒僕裹餼糧濟愚山先生詩集卷之六
五言古

濟二子依依登我堂長跪出篇什携贈
兼酒漿苦辭不忍去佇立久徬徨吹顏
為斟酌僕馬各充腸平生薄口腹此意
獨難忘春風拂前浦芳草生清光含情
無可極遺響託滄浪

北海有一士為孫子仲孺作寶隔址亭
相國子

北海有一士高步覽八區簪纓推世胄
章句薄腐儒嗜古賞自延探奇目無虛
藩溷盡筆札坐臥皆詩書非徒富述作
實耻經術疎趨庭過薊北結友連東吳
平生非任俠意氣雄千夫男兒貴不朽
浮名何足圖感年振高轡策驥騁修塗

留別徐符嶠臬使

燕臺射策時與子同陋巷晨昏屢叩門索酒竭鄰釀聯
袂捷南宮時艱資侷儻王師方入粵特簡俾司餉三年
冒矢石側身飽炎瘴關地始到官瘡痍非一狀奉使予
南征入覲子北向上下各孤舟風帆不相傍到今臬東
藩把臂喜無恙同志絕然疑感舊叙少壯法嚴多大獄
誰肯問无妄寬和干國憲刻急叢物謗慘澹慎平反讞
成懷餘愴有時厭丹筆舉杯眺青嶂聞我歸故園惜別
獨惆悵野性習沙鷗五湖將浩蕩感茲意拳拳含情辭
祖帳

發濟南示諸生

日歸不暇寐中夜趣晨裝清泉帶城郭依依垂綠楊羣

愚山先生詩集

卷六 五言古

二

公列祖帳臨發難盡觴纏繆復多士追送踰川梁下馬
與之揖羅拜淚沾裳齊魯古大國東海風泱泱起衰吾
未逮知已胡不忘逝矣千里心悠悠九迴腸雖下董生
帷誰升孔氏堂黽勉有遺恨努力永相望

寧陽行

客行倦修塗流民填路隅吞聲但長跪淚下沾衣襦停
車傾我篋人給慚鏹銖去此未及遠接踵相號呼誰能
盡沾灑緩死爭須臾去年民爲魚今年麥又枯豈無蠲
租令不得收溝渠蕭條日將夕酸鼻空踟躕

過洪林值湯衣白邀宿

東峰餘返景疲馬嘶秋原黃花寒婉變流水莫潺湲所

親值野老邀我歸南村喬木秀墟里零露繁草根笑歌
不覺遠明月方在門苦陳去年亂窮巷無雞豚園蔬雜
筐果顛倒引匏尊夜深臥草閣閉戶溪聲喧白雲入檐
隙浩然清心魂

秋夕邀吉水宗人偉長宛溪汎月兼送其遊潯陽

同大美阮
懷綢長

輕雲歸遠岫涼月見江樹棹歌可遊娛心賞未遲暮亭
亭謝公樓皎皎出城頭潛鱗粲可數微露溥芳洲水流
宵不歇客子行當發盆浦潮有無廬峰興超越歸塗近
鄉國羈緒悵離別言攀九疊屏儻憶雙溪月

避風入二條港

愚山先生詩集

卷六 五言古

三

解維燕子磯白浪阻征路橫江紆桂楫曲港截瓜步一
水蓼花洲夾呀垂楊樹田家開野店籬菊含秋露遠見
棲霞山青青若回顧不有石尤風那盡江村趣

妙高臺夜坐懷无可

卽子瞻佛
印賦詩處

日落水烟起茫茫連呀白褰裳陟高臺涼月皎秋夕古
人不我待露氣霑瑤席忽憶龍眠叟遠引就禪寂桂嶺
舊擔簦匡廬復飛錫遊咏與之俱屢折登山屐勸我學
無生危言同振溺心跡未能併出處尚狼藉解帶思同
遊天末久離析人生無老少皆爲天地客東望海門深
南睇江雲碧巖壑畱清暉皓歌傷往昔

題王阮亭漁洋山人集

有客卧招堤聞鐘百慮止時見楚江月遙從烟際起
橘柚垂虛簷清光生石几手把瑤華音靜念同懷子綺麗
復清泠濡翰信云美心目散山川衣裳被蘭芷躡人易
感觸三歎不能已寂寞將移情茫茫聞海水

登文選樓

廣陵精忠寺後
有昭明太子像

遊目憇精廬陟閣復清迴綺疏鳥雀喧層軒松檜冷白
雲緬透迤隔江矚峰影拈亂薄黃屋篇章惟所秉欣賞
集羣彥朝讌達夕永創獲矜校讎散籍歸匠郢梁社久
丘墟隋宮餘舊井廢興更代謝丹樓復華整斯人旣已
邈望古還引領橫流賤毫素蘭蒨雜萍梗眇眇千春懷
淚下如脩綆

愚山先生詩集

卷六

五言古

四

吳母苦節詩

歛人胡氏早寡撫遺腹子延支終其身

君遺妾有身妾思君同穴夙昔嫁君衣拭淚盡成血別
鵠一何早哺雛一何好萊彩曜中庭妾身自綦縞嗟
霜雞啼札札鳴機絲機絲有斷續素心無改移

歲暮送陳伯璣之武林

先是期借
往不果

停楫待同舟送君成獨發惆悵紛難陳佇立生白髮養
疴歲序殫客愁無斷絕北風吹孤篷安知吳與越江頭
楓樹寒雙鳥啼不歇中宵吾有夢先向西泠月

平山堂

寒色靜四野平岡走孤獸振策肆重遊蕭條改結構荒

榭俯宿莽頽垣繚虛囿抗軌思昔賢遊讌貴巖岫悠悠
六百年遺徽邈難邁殘荷尚餘葢丹楓錯成繡喪亂悲
山川戎馬此馳驟舉目睇京峴巖廳暗清晝懿此崖際
泉清泠聊可漱

董仲舒祠

攘攘五都市南北交驅馳貴賤各有營崩迫無停時我
過董子祠中心悵有違相傳此舊宅精靈儼在茲斷碣
蝕蒼蘚荒几走伊威蘋蘩誰復薦清風吹我衣漢初尚
文籍大道久迷離夫子挈隆緒卓矣王者師如何末世
士罄折爭刀錐威鳳翔九仞腐鼠安足希

曉望燕子磯

愚山先生詩集

卷六

五言古

五

挂蓆泝奔流回眺滄洲靜渚烟暖未分巖雪殘逾瑩峻
嶒松色寒窈窕嵐光靚延日辨蒼茫木末露樵徑亭刹
何參差丹青遞掩映不見六朝僧遠聞一聲磬

舟中望采石

孤嶼起中流截業連江岬霜巖碧松白樓迴朱霞爛巨
石陵天門崖字久漫漶咏史想遺音然犀懷壯觀潮汝
自往來人物幾凋換颺急吹豚魚天陰鳴水鶴英雄此
戰爭回首一悲嘆

早春三天洞至仙人巖

寒巖歛衆妙惠風蕩疎木洞穴無人居玲瓏闢華屋春
陰香乳流谷溫瑤草綠出戶見前峰重雲無斷續乘興

復杖藜行歌散頗促古樹令丹葩餘雪長靈瀑僧扉鑿
陽崖茶臼入深竹采真客安往悵望空山曲

宛溪春水曲

夜宿水聲中朝汎山烟裏洲沉沙尾截雲壘魚鱗起春
風不可贈美人望江汜愁心與白蘋搖蕩幾千里

微雨至慈靜寺

同陶夢剏

積雨知不晴薄陰亦可喜舟浮葭菼沒權撥鴛鴦起捲
幔受輕風戛舷散甘醴青峰雲霧交明滅同海市不惜
濕芒鞋遠踏空濛裏南屏枕寺閣井泉湛階啟古塔挂
新蘿丹青爛成綺宵冥嘯嘖猿羸歷迷山鬼回艇睇前
峰惟見碧湖水

愚山先生詩集

卷六

五言古

六

湖上荅陸麗京

翡翠集蘭茗鳳凰棲崇岡光輝各燦爛羽翼難頽頽西
陵富才彥括匠挺珪璋闕閤豈不貴蓬室潛幽光矯志
厲金石濡翰辭篇章譬彼陽春月百卉敷芬芳窮岫逢
赤松跪受不死方蘭櫂激清流爲樂殊未央永言申宿
好德音不可忘

贈柴虎臣

與君始投分把臂遊長安列坐盈觴酒吐論中情殫清
秋朔風厲良會忘夜闌篇翰曜連璧客子爲加餐山川
一離析春華成歲寒孤鶴潔羽翼啄良獨難竭來臥
城隅咫尺限重關浮雲隨迅飈萬里何時閒相望懷慊

懶撫枕一長嘆

贈毛馳黃

所著有韻
學辨諸書

總轡息江汜采蘭臨芳洲佳人惠良訊願言同行遊矢
口發丹葩德音申綢繆餘波沿六季高唱溯商周律呂
既精析風騷資討求綺麗傷人心忱慷慨雙流申椒雜
衆草道遠無蹇修不如呼所歡飲酒登高樓

留別越中諸子

時徐伯調祁止祥毛大可張南士
姜桐音沈康成羅弘載相繼至

我昔遊會稽息駕瑯琊山賓從共翱翔長嘯浮雲間興
文歡受簡臨水駢芳筵朱李泛南皮清夜會西園良宴
宛昨日馳暉凋壯顏涉江枉相存羣彥何翩翩尊酒歡
未畢良時苦不閒聊和絃歌曲結臆不能宣子爲潛波
愚山先生詩集卷六 五言古 七
鱗我作衝飈翰最哉璠璵美揚芬垂簡編

苔虞景明

嘉會城西隅皎皎陽春日手持郢人唱膠結意難畢宛
轉含悲辛清響逾琴瑟申章復永嘆知音慕儔匹豈無
桃李華眷此蘭蕙質奮志揚芬芳結佩采秋實誰言傾
城姿終老在蓬室

上天竺雙檜峰

昔聞九里松夾路響清瀨今尋雙檜峰壁立衆山外危
磴壘丹梯陰霞成紫蓋平臨江海寬俯看丘壑碎人生
若飛籜倏與流飈會濡首塵埃間寧識滄洲大秉風叩
闡闔浮雲接衣帶

答魏山人

養疴倦辭賦倚醉耽孤眠悠然遠山雲墮我北窗前攬
之不可得滿屋生蒼烟知子薄雕蟲清嘯懷列仙時傾
若下酒不問東臯田誰當理輕策相從巖壑間

暮投六一泉寺

石泉近湖曲皚皚自清泠照見古人心高風蕙箕穎振
策陟山椒朱霞散西嶺日暮烟乍生鳥歸林逾靜逍遙
憇石梁杳冥動漁艇夜久衆星光猶明數峰影

答瞻伯

芙蓉生綠波乃臨大道側芳華雖憔悴濯濯好顏色夙
昔贈我言綢繆在京國荏苒逾六春流光一太息新聲
愚山先生詩集卷六 五言古
日以張正聲日以熄所愁郢客吟時俗罕相識

八

贈陳天祓

陳子瑚璉器珍重薦清廟官曹開素襟澹蕩有同調比
舍易爲歡時看一尊笑未擬厭承明抗言思海嶠出守
豈蹉跎掉頭乃長嘯草閣傍湖山清光相照耀猶懷富
春近儻就嚴陵釣

荅史及超修撰

史乙未狀元乞歸
終養又不食肉

白日出海門天宇何寥廓誰知應龍姿潛鱗戀丘壑射
策敷天人著論摠蹇謬天子推國士高坐石渠閣苦
陳烏鳥情歸就萊衣樂肉食餘鼎俎餐霞止藜藿深巷
隔九達下帷耽寂寞坦履靜無營素衷欣有託感君枉

贈篇德音非虛作

宋荔裳署齋留別

拳拳無中極中夜復淹留明燈移綺席卧我百尺樓念
此吳會歡緬懷燕趙遊人生逾四十飛光向西流十載
一良會歲月忽欲邁雞鳴獨轉側起坐增離憂蟻穴成
江河寸壤累山丘志業貴早立升斗寧足謀明旦各分
手策輒期千秋

從遊諸子追送至北關

命楫日將夕言發一何難親交並集送臨岐猶未還行
行越湖墅衆星粲以繁殷勤二三子出餞此河干臨流
啟高館四座聞秋蘭疲策昧饑渴對俎不能餐聊爲盡
愚山先生詩集卷六 五言古 九

斗酒以解離別顏行矣各努力先民有遺言

雜言

好色衆所見自昔稱傾城蛾眉豈不姣見者不分明媿
好辭玉輦團扇還吞聲鑿貌良獨難誰能鑿精誠

二

愛馬能買骨萬馬樂爲死獻玉不惜身大璞甘爲毀知
音旣已稀寧作中林士哀絃發苦調沈憂不可弭

宴高子奮水部官亭

丹檻陵滄波飛梁互別浦詞人此高會詠言相勞苦華
館生長風北山過疎雨萬頃碧荷花酒氣作香乳連牀
多賜書委石成江嶼歡延石城下別憶天津潯落日悵

離顏秋色滿平楚

孤松篇贈杜于皇

孤松無沃壤托根生寒山介士無餘謀斂手拙朝餐前
庭但種竹後園但種蘭饑來出奇語大笑開歡顏言當
棄舊宅負耒林丘問沮溺非爾事抱書聊閉關

歛秦淮水樓

青溪蔭畫柳夾听浮朱樓延目睇鍾阜餘霞炯未收親
交良會合置酒聊綢繆水氣接靈颺夕爽成清秋王謝
魏千載一逝不可求高言絲竹靜暮鳥何啾啾明旦我
當發道路良阻修誰令江漢廣浩然增離憂

湖西行

愚山先生詩集

卷六

五言古

十

辛丑歲分守湖西壤瘠歲饑有司坐逋賦失職
相望守奉檄按部督促是時西南用兵不逾時
符牒三四至吏民後期者法無赦於乎一官貶
斥不敢辭當柰民何有癘相告誠而已作湖西
行

節使坐微斂此事舊所無軍糈日夜急安敢久踟躕昨
日令方下今日期已逾攬轡馳四野蕭條少民居荆榛
蔽窮巷原田一何蕪野老長跪言今年水旱俱破壁復
何有永訣惟妻孥歲荒復難鬻泣涕沾敝襦腸斷聽此
語掩袂徒驚吁所慚務敲朴以榮不肖軀國恩信寬厚
前此已蠲逋士卒待晨炊孰能緩須臾行吟重嗚咽淚

盡空山隅

大阮歎

新淦縣東山有大阮其俗不急賦稅不用兵則
吏廢法予檄招之幸有至者庭諭以利害繼之
流涕衆皆感泣於是陰捕其豪十餘人後至者
蟻集雖然比歲宿逋累鉅萬猝何能補故作詩
憂之

叢山如劔戟灌木蔽嶽岑其水獨南流谿谷皆阻深山
民鳥獸居不馴匪自今追呼敢逆命兵革踵相尋未能
靜伏莽火烈悲焚林殺人稅無出遲回傷我心蚩蚩亦
赤子念爾爲沾襟招手語父老鴟梟懷好音宿逋旣累
患山先生詩集卷六五言古
歲敲骨力難任民頑實吏拙許身媿南金何時免素餐
引疾投吾簪

竹源阮

悲民難也地在新淦之東山其鄰曰大阮多盜
兵至則走官檄竹源諸阮義衆捕之而逸其豪
已而盜殺竹源始盡君子傷之

殺虎防啞人芟蔓莫留根留根終遺患傷心不可論竹
源數百家今餘幾人存竹外有源泉血流泉水渾羣盜
故比鄰姻婭如弟昆反戈相啖食收骨無兒孫焚焚數
寡婦零落依空村凶年嗟半菽撮土招遊魂人亡敵稅
在淚罷還聲吞

不寐

就寢已雞鳴昧旦復先覺荒城風雨急怒號如虎豹勞
人一寸心萬事苦奔峭法嚴吏牘多敢言吾職要習瘁
不知疲未暇一長嘯微求盡草木飛輓連海嶠湍水無
靜鱗促絃無緩調力短達民艱空蒙肉食諄誰憐當塗
人隱憂莫可告

集就亭

臨江官舍有高阜余就而亭之下
臨蕭江前對閣阜山名曰就亭

安拙成寡營賞心惟坐嘯結構期自然孤亭恣遊眺惠
風始駘蕩旭日先照耀埤垠帶清源青冥開遠嶠野老
或荷鋤舟人時鼓棹雖違丘壑情卽事見耕釣遐矚有
餘懷臨觴難具道

愚山先生詩集

卷六 五言古

七

自吉州之秦和道中

行潦猶在塗征車不遑息峽折忽泉聲徑轉復山色崎
嶇巖窟間出沒何終極荒塗行旅稀虎跡交南北四顧
多廢墟遺礎委荆棘回思未亂時山民亦繁殖

宿黃樞舖

積雨暗千山陰雲催日暮哀此僕夫痛踟躕宿中路土
室倚頽垣荒村存老嫗勅吏慎勿擾芻粟可自具吏言
爨無薪乞糴亦無處時危供億艱含悽未忍怒盜賊兼
虎狼空山懷百慮從騎夜擊柝宵分屢驚寤明旦風雨
中雞鳴驅馬去

寄李叔則秦中

舉世仍兵革章逢多老瘦烈士卷壯心悲歌倚巖岫瀉
爲江海流激與雷霆鬪未嘗需苦吟何事費雕鏤信手
作飛白騫騰篆籀棄官囊無錢詩草滿雙袖旅食家
廣陵文酒日輻輳贈荅勤篇章洪鐘無虛扣一朝測禍
亂早計決去就君自揚州西歸次年揚遂苦兵驅車返函谷種菊開山
圍關河自茲隔道遠阻朋舊側聞太華奇思攬蓮峰秀
物役羈我身何時裏糧糗馳情望西笑離思纏宵晝

齒落

延歡苦不留憂老忽已至未知筋力衰齒牙先失墜木
落春更生日落朝出地感茲同逝川一往成捐棄妻子
各驚吁爲我色憔悴百族相啖食利齒反爲累疎缺亦
愚山先生詩集卷六五言古 五
何傷嘯歌猶稱意三復蒙莊言養生有餘媿

遣憂

岷山濫觴泉三江成電激岱宗膚寸雲九州霖雨澤丈
夫志四海經營負長策胡爲甘獨飽拱手看饑溺四野
多蕪田遺黎寄鋒鏑遠念平生親歲饑多感額節我口
腹餘分之以儋石少者寄升斗事微取當厄猶媿火燎
原沾灑止涓滴白顧亦何有薄祿存四壁

送表弟馬文虎

山中松與柏有時相抱生與子共本根能忘骨肉情中
情苦難言一官憂患并常恐素絲染抱疴思歸耕臨觴
未及醉揮手送子行持此耿耿歸照雙溪清去帆忽

緬邈流涕沾冠纓

買書

吏牘紛填委日與編簡疎黽勉耗薄祿時時搜舊書積
笥不能貯列架盈坐隅妻孥顧我笑餅粟罕留儲況君
日已膏殉此無乃愚卿言亦復佳性癖苦難祛卒業誠
未易泛覽資遊娛行當營草堂歸就雙溪居枕籍同寢
處窮年長晏如

次龍頭山有懷胡悅之處士

劒水有遺民言在龍山岑維舟日已暝江亭生積陰夜
久露微月參差見前林洞門花塢暗曲磴茅堂深風波
浩無極川路邈難尋勞生寡歡笑索居長悲吟佳人阻
愚山先生詩集卷六 五言古
咫尺孰與操素琴

洪川送王白虹

子來我方出竅我棲江千積旬始握手春花忽已闌長
風蕩積水高樓生薄寒拳拳良宴會各言行路難枉贈
吐嘉藻殷勤抒肺肝慚無明月珮奉爲君子歡撫膺懷
舊遊鬱結思千端和歌不能竟臨岐一長歎

臨江憫旱

瘠土嗟薄穫歲豐長忍饑戎馬况疊跡田園成路蹊荷
鋤代牛力播種良苦疲朱火肆燎原禾稗同一萎民亂
如恐後況乃驅策爲徒跣呼百神鳴咽致我辭政拙未
敢苛召災今則誰雲漢何皎潔箕斗正參差心知閭閻

遠側向高天啼明日急芻餉吞聲重涕淚

愚山先生詩集

卷六

五言古

五

施愚山先生學餘詩集卷之六終

施愚山先生學餘詩集卷之七

五言古

憫鳩

前庭有叢竹枝葉自相交
祖跣坐其下六月如寒濤
飛來兩鳴鳩向我營危巢
託身洵云好轉側苦回颺
卵成再顛覆長夜音嘒嘒
瞻彼松與柏豈無千尺條
忍拙守故宅不敢辭颺搖
昨日更瀕洞烈風摧竹梢
一雛半在卵毀棄委堂坳
其一正黃口墮地無羽毛
攀巢納其子方法驅兇曹
父子喜更生後笑先號咷
行當雙翮健飲啄隨所遭
勿復學鷹隼搏擊飽腥臊
生成艱萬類嗟我中心勞

愚山先生詩集

卷七

五言古

一

叔父寄敬亭茶封題曰手製

敬亭山產茶甚多僧不勝徵求
卒雜以他產吾鄉好事者嘗於穀
雨後數日入山手摘而焙之
香色竝異

馥馥如花乳湛湛如雲液
將茶煮江水不改江小白
問此來何方言出君故鄉
故鄉山嵯峨託根生山阿
枝枝經手摘貴真不貴多
念我骨肉親欲歸會無因
遊子感故物惆悵江南春

新穀篇

是歲湖西大旱

牛食碯底草雀啄爨下粟
赤地無良苗長吏進新穀
饗人得穀歡主人見穀歎
晨炊薦祖考淚落盤中餐
臨觴

不忍傾飽食非所安哀彼秉耒人長饑摧肺肝

寄王宗伯敬哉先生

中庭未零露向夕秋響發煩憂攪孤懷驚魂屢飛越誰使平生歡悠悠七年別離思未敢言拂鬱中腸結天路信緬邈馳情無阻歇仰首歎流光盈虧感明月

過豐城感懷

孤城暮蕭瑟北風一何寒飛沙捲殘籜饑鳶叫哀湍寶劍沉幽壤光鋌天際看一朝剖石匣拂拭驚人問離爲兩雄飛合爲雙龍蟠神物今安往顯晦邈無端鉛刀笑霜刃壯士多苦顏起行看太白淚下空潺湲

夢至獮山草堂因寄梅季升

愚山先生詩集

卷七

五言古

二

數從獮山遊不作獮山詩中宵有清夢飛落獮山陲帆收峽石浦雲白敬亭祠主人立柴門攬袂歡相持咄嗟膾魴鯉歌謔無不爲信知君好我魂往相追隨涼秋歲將晏木葉翻庭墀感茲搖落候增我故山思獮山不易得山麓仍水涯扁舟思就汝對酒開心期醉則擁書卧旁人知我誰

感衰

多憂覺體衰寡學苦心弱夜分常不寐形神窘棲託耳目吾故物變態日交作雜治異所宜暄涼互相鑠方寸受羣櫻膚澤日侵削中庭木芙蓉未霜花自落浮榮歸故根寒水反枯澗安坐且無營冥心尋寂寞

懷丁飛濤塞外

凜秋隕芳樹落葉隨風翻漠漠入浮雲悠悠踰塞垣孰
云忘故根須臾遠棄捐層冰墮手指驚沙摧心顏舍我
絃歌曲但聽哀笳喧引領睇明月清輝馳九關聞闔可
陳辭念子心煩寃相思道何極吞聲未敢言

送羅安福歸閩

征途一何長別畧一何促游讌未終朝鼓櫂發江隩解
組且咏歌抗言反初服因人振歸策孤宦絕僮僕作書
叙情慄惻惻不能讀天南春風早山水日夜緣行就芙
蓉山結廬俯深谷褐被不辭苦誰念玉在璞延目睇高
翻搔首起躑躅

愚山先生詩集

卷七

五言古

三

自金鳳洲汎舟至迴龍寺

芳渚緣城南精廬帶江汜雲樹暗千重沼洄才數里上
已忽過眼春光疾如駛嘉會得朋好良辰歡雨止草齊
水逾碧艇進鷗不起野坐憇雙松洲回攬香芷適意且
放歌笑看東流水

鹿江精舍書懷

祇役越郊垌小憇棲招提短垣傍疎竹野色來侵衣晨
登最高閣宿雨初晴時潦浮村徑沒帆挾江雲飛塵市
久喪亂桃李還芳菲蒼鷹自多食白鶴常苦饑束身忍
驅策黽勉筋力微四十已云邁庶幾知前非

花石潭阻風

作吏如浮雲風吹不得住浮雲去無心作吏行多懼跼
促爲轅駒踟躕悵前路泝流嬰惡風灘石窘跬步婆娑
憶官閣手植多奇樹雜蕊紅如錦繁枝暗成霧花時久
行役坐送春光暮高歌河上翁獨愜滄洲趣

曉過洪陽洞

分宜縣

宿霧暗未收曉月照蒼翠謝公急遊賞冥搜穿薜荔石
洞炯空明前驅走魑魅物像多髣髴目眩誰略記清且
入仙巖得飽朝爽氣丹竈竟何存山花紅委地

化成巖

宜春

雲木鬱江曲心知好丘壑攀蹬尋宵深穿巖得疎豁萬
古青蓮花蒼寒半舒萼鐘歇灘響聞雲開峰翠落荒臺
愚山先生詩集卷七 五言古 四
存往蹟暝烟見城郭延目散襟顏倚石就觴酌却羨無
心雲逍遙去寥廓

送耿逸庵副使歸登封

耿官湖東子官湖西是時以裁併歸

拙疾赧狗祿羨君早旋歸東西兩契濶良會經年稀章
江復相見正值江花飛來飲盱江水還憶嵩山被鬱此
萬古懷卷舒各有時家園傍少室坐卧延清暉何年一
相訪行與浮雲期

走筆荅陸蓋思高仲

愁疾戒作詩疎慵報書少故人千里書三復心如擣翻
翩真二妙貽贈皆芳草書屋傍湖干蕭森結構好入門
竹欲暗當堦花未掃坐客張王輩 謂張祖望王子一諸君 文詞風

格老真率具盤餐數過必傾倒浮雲難久居聚散傷遠
道高翮翔層雲遊魚戲清藻努力春華時令名慎自保
發清江至新淦

官程難息駕日昃命征夫征夫行躑躅積雨泥我塗旱
久始霑足田家歡有餘新禾多秀色四野何敷腴苗成
草亦長農叟無芸鋤登場欣一飽薄糶罕留儲瘠土民
不勤毋乃非良圖誰能式幽風使我百憂紓

長牌驛

傾崖抵浚谷振策緣崇岡人家阻鳥道驛路成羊腸暑
雨旣已漲原隰無低昂涉水沒馬腹何以蹇我裳田荒
民力殫種穀不成行僕夫亂縱橫蹂踐憂稻梁哀蟬響
愚山先生文集卷七 五言古
枯樹佇足心感傷昔時阡陌地今爲麋鹿場

烏象口

峽江城西二港曰烏口象口夏秋江漲亂流苦
溺緣山嶮遠多虎患予命各置官渡未逾歲烏
口舟壞於兵象口舟夫求去憂不能繼故作是

詩

江干山色黑豐草與人齊行子時出沒四顧迷東西烏
象兩崖口斷岬臨深溪欲濟無舟梁人命餽蛟螭緣溪
取山徑修塗何逶迤猛虎所窟穴白骨相撐撐經營置
官渡役以兩舟師徒旅不滿足往來不移時驛使性如
雷喚渡猶嫌遲舟師骨欲折往往遭鞭笞鞭笞且隱忍

毋使行子啼

江上翁

朝逢江上翁鑿船沉水底問君何爲爾雙淚落江水一
生事舟楫八口相依倚妻兒死凍餓官家有驅使十月
達黃河驚颶西北起舉棧成堅水巖寒隋手指甫歸復
見捉連檣守江溪愚者怒焚舟延燒不可弭本爲逋逃
計翻葬魚腹裏此業能陷人沉之禍則已棲鳥惜其巢
毀巢逝安止請翁勿復陳吾亦掩雙耳

觀張桐君遣憂五百字感賦

悲離泣楚臣懷土傷越客越吟五百字聚淚成一石矯
矯雲中翼今爲林下翮憐君少年時騁步越阡陌偏強
愚山先生詩集 卷七 五言古 六

棄諸生疎散作詞伯陵陽李白祠剡溪謝公宅來往共
翱翔狂歌免感額旅泊五羊城藩幕資長策時危賓客
難戰苦海嶠窄翩翩鞍馬間磨墨橫劍戟游子衣線斷
母氏痛永隔慈烏夜夜啼眼枯血淚積豈無陸賈裝歸
來仍四壁妻子寄中途進退兩跼踖舊業依江潭潭水
映門碧殘春匹馬歸總帷纏蘿蔣母死逾三年沈痛未
寗窳爨下穴狐狸蠹書委狼藉慟絕乞鄰嫗爲炊薦魚
麥若翁客晉陽萬里阻音驛誰堪骨肉親生死兩疏迷
漂轉枉扁舟就我同朝夕磨滅如老翁端居甘聞寂新
詩日數首計歲當盈尺官齋飯藜藿素襟吐肝膈飲酒
復不多含愁惜疇昔意氣生蹉跎事往空太息袖短慚

手寒相憐亦何益交遊日榛蕪道路腥齒齧憂人聞累
欵三歎頭盡白

重至黃樞舖憶高阮懷

去年風雨夜有客同驛舍今日晴雲開駐馬獨銜杯勞
人習鞅掌歲月忽已往君看白鶴閒雙飛還舊山

遜圃荷池

蕭孟助
別業

名園涉已屢晚坐凌潄溪芙蓉發丹萼翩翩修渚閒倚
檻方命酌暮鳥已飛還好月出疎柯照我遊子顏水靜
衆芳歇風收林影閒永夕澹忘歸心賞難爲言髮髯見
峰色云是子瑤山惆悵塵中人可望不可攀

清沂泉

愚山先生詩集

卷七 五言古

七

幽泉出江側清冽勝甘乳不懷箕頽心脉脉誰憐汝杖
策濯塵纓披榛破太古絺衣日暮寒半濕龍山雨

泰和
縣有

龍頭
山

江行遇趙韞退副使北歸誦其嶺南集有作

晚泊依戍壘朝發傍山曲東流擊桂楫沼沚盪寒綠近
巖蒼欲秋前峰淡如沐佳人遺好音遠道感躑躅嶺海
殊氣候欣慨換心目晴雲忽半陰高霞不相屬臨觴歎
寡歡解纜苦別促誰能永今朝還心已空谷

愚樓獨坐

雨歇開耳目檐際喧鳴禽言登百尋閣送此千里心婆
娑池上樹叢桂多清陰芳華隨風發悠然披我襟白雲

近可擘斗酒時自斟且復歡此日何羨南山岑

懷舊

富貴當幾時誰能忘故鄉故鄉初策駕親交盈我堂婉
戀相契濶欸曲陳酒漿拳拳未能已送我發河梁日月
無輟軌兩見秋葉黃朝發城上樓獨立忽沾裳江漢多
風波孤生易感傷沉憂佩萱草心結彌難忘

苦節篇荅友

涼風八月吹我中庭樹當窗蕩子妻獨處歎遲暮姑
老婿不歸十載河陽成累日斷晨炊蓄意欲誰訴人言
桃李顏毋爲糟糠誤白石出清溪水流石不去妾命在
採桑遺金豈復顧貧賤無感牟朱顏已非故吞聲勿敢
愚山先生詩集 卷七 五言古 八
言努力畏多露

官湖西三載矣感而有作

期月昔言可兩載驚逝波稍見喘者息未聞呻者歌竊
祿備藩籬敢言無斧柯十羊乃九牧牽束一何多蕪田
急芻餉禁旅頻經過涼風吹木葉颭颭隨江波中夜獨
轉側積癘成煩疴幸寬簡書責自顧將如何

青原五賢祠

王文成守仁以歐陽文莊德鄉文莊守益羅文恭洪先謙貞襄彭配

姚江有遺澤螺水首漸被從者紛如雲青原成講肆遂
令空山阿絡繹勒車騎絃歌響林谷逢掖滿僧寺四君
尤挺出嗣音相鼓吹寂寥四十春講席蔓薜荔荒祠猶
巋然俎豆將委地山鳥懷好音林木自深蔚昔人未云

遠顧瞻橫涕泗百年一須臾峻阪策奔驥徘徊岐路間
白日忽西墜如何丁我躬吾黨竟憔悴題字破莓苔振
衣獨遐思

金牛泉

仙源出杳冥仙人去何所冷冷無冬春潏潏自風雨白
雲生斷岬幽禽下修渚前山正寒翠木石坐堪數悠然
濠濮間俯仰久延佇

懷舊篇寄巖瀨亭都諫

古人去我久同時良獨難相別復千里永夜長慨歎良
會憶國都羣彥皆齊歡嗟嗟眷明德灼灼同肺肝送我
涉濟水夜讌還辛酸君子厲苦節中道愁波瀾歲序忽
愚山先生詩集卷七 五言古
屢易雨雪凄且寒未敢言奮飛卑棲猶未安愁無澤蘭
贈中情何由殫

二

登我西北樓遙望東南岑重雲蕩回飈萬木爲蕭森不
怨所思遠傷我千春心翩翩二三子零落踵相尋梁園

玉樹盡

讎明

東海洪濤深

蒨蒙

猶有絕塞客嚼雪成哀音

飛濤

舊有燕臺七子今張讎明節世宋荔裳逮繫丁飛濤謫關外

平生膠與漆今作商與

參努力非少壯離憂孰能任思欲涉湖水朗詠遊長林
羲車不我御歎息還沾襟

懷李暘若廉使

時白滇南報遞粵東右司予在臨江晤言可待俄復見留滇中

國門置酒別送子之蠻方留滯滇黔間七載迅流光章

服豈不貴天末斷人腸
駕言收東粵駢騷經豫章
具舟戒津吏遲君奉杯觴
嘉會終難合佇立心徬徨
別時各壯年倏忽鬚髯蒼
孤居日已老九折路何長
安得隨越鳥從子以南翔

正月二日同家人飲梅花下

我來石龍城三月桃符換
今朝何太煥解裘尚沾汗
蚊蠅飛撲人百舌聲不斷
盆梅壘壘開移來就几案
叢花破客顏高枝成近玩
童穉共歡娛壺觴分爛熳
故鄉有骨肉草堂逼溪畔
爲園一畝餘小閣睨清漢
怪石旣礪柯老梅逾傲岸
花時定舉觴高明展詞翰
遊子苦索居何年同飽看
念此牽我腸歸心不可絆
勝之以忘情爵愚山先生詩集
卷七 五言古

十

飲劇無算

雪中懷宋其武少叅北征

攬衣登高樓飛霰灑几席
木末鳴迅飈積素蔽廣陌
饑餓無匹儔中林斂勁翮
狐白不禦寒艱哉遠行客
力疾趨京圻修塗阻川澤
候館多荒墟堅冰結衡軛
知子念王程努力事驅策
無爲傷旅懷領髮已垂白

花下獨酌

前年花蕊繁去年花蕊單
去年花間葉今年花滿欄
花亦隔年感人生詎不難
一觴聊自勸酒少有餘歡
詠言非絲竹中懷從此殫
柳下洵非拙三黜豈曠官
何如耦耕翁荷鋤常獨悶

鄧元昭同年自白下遺園蔬四甕

葇荷持作衣折蘭紉爲佩慚非餐霞人吏隱滄洲內肉
食敢云鄙嘉蔬性所愛官齋數武地手種勤灌溉土膏
異所宜柔旨良不逮故人知我懷携餉千里外寒漿嚼
水晶翠甲浮璫瑁囑妻備旨蓄泥飲佐高會聞君復歸
隱築室依松檜把酒忽三歎田園久蕪穢城頭黛色來
碧嶂千尋在關阜山正對署齋聊將故山心耿耿遙相對

得黃抑公粵西書用猶疑照顏色爲韻

對酒不能歌愁緒長悠悠搔首西南望念子行夷猶相
思欲相期道遠心然疑炎鄉斷消息含情當語誰春雨
生夜寒江猿相叫嘯雙魚嶺外來明月懷中照旣傷離

愚山先生詩集

卷七 五言古

七

澗苦兼訪山川妙始知孤雲心纏緜連海嶠踟躕無可
言異域擁朱顏崇山多桂樹遊子難攀援憶君刺柳州
予客江側雲開山乍青瘴來雲改色羈縻十載餘奮
別無羽翼左遷亦何恨且得省鄉國年化各逝邁相勸
加餐食

珠泉

袁州

亭榭何晻曖倚檻臨潺湲穴魚遊暖日庭柯含碧烟微
響瀉哀玉清流膏渚田心懷濠上賞目謝區中緣昌黎
昔來牧游詠胡不傳

桑東鋪

路僻名偏好幽懷動行客磽壤少桑林陰崖疊雲石窈

窀山雞啼淒迷礪草積人家隔數峰何處詢陳蹟

軍家兒

袁州作

東家瓜蔓弱結子過牆去牆傾瓜蔓斷瓜落不知處誰
謂軍家兒親愛無父母但爲軍戶難生小寄他乳阿父
旣通亡軍書攝補伍不辭行荷戈差科猛如虎官編作
運船破產難措拄袁州數百丁磨滅成黃土縣吏覓根
株追呼匿無所中夜促兒逃暗驅出門戶野火延枯桑
那得相憐取兒啼夜安歸失足沈寒溪朝爲懷中兒夕
作溝中泥

出秀江驛之石嶺

炎暑遠行役修塗一何艱川巖苦詰曲徒侶相攀援種

愚山先生詩集

卷七 五言古

七

亭開崇坂種苗荒平田人力何不齊農功安可諉顧聞
深樹林失木有窮猿哀鳴求其曹重雲蔽山原惻惻起
憂思長謠無與言

送莆田余全人

海隅有珍木翩翩雛鳳棲羽翼何皎潔文采紛陸離飛
來集庭樹四坐生光輝春華方馥郁奮翰疾如馳綢繆
慕高義慷慨心相知南樓置斗酒星漢何參差播落感
秋節少壯眞良時努力策騏驥掣電誰能追浮雲會富
合毋使中心違

避風馬當

衝颺捲白日天吳走江甸萬嶺號朝昏驚沙淚如霰信

宿還逡巡鬢髮忽已變咫尺望中流孤嶼眇不見彭殤
且旦暮淹速何嗔羨驅策畏飭書歲月逝將晏扶搖誰
怒飛徒言笑斥鷃

銅井行

夜行過銅井燈明夜未永爲聞車馬喧滅火不開門使
君且勿怒應差有官戶官戶差未歸室中存寡姥前日
騎使至昨日逃人住揮鞭索雞黍破釜出門去語罷淚
沾襦九疑生路衢使者出乘傳青錢無酒沽不見昔年
夜猶有女當壚

沙溝行

驛名

沙溝黃沙滿征客腸堪斷雨頽驛館廢風急馬蹄緩哀

愚山先生詩集

卷七 五言古

七

此大河濱水陸稱通津艤舫自北至曳舟千餘人村落
盡空巷田野餘荒榛不怨饑與渴游子不得歇日暮還
驅車照此寒宵月

濟上紀事

五月雷未震四月霜仍飛夏寒麥穗死冬早麥苗稀寒
暄天所令二東何乖違河流細如髮漕艘牽濁泥水泉
豈不濬民力良已疲軍書急芻餉畝稅方繭絲憂時使
心惻躑躅臨路岐

孟廟

磊磊嶧山巔終古棲靈異巖巖一人起方寸塞天地獨
立張孔顏諸儒息淫詖棖棟洵煌煌宮牆接洙泗靈旗

儼翱翔古木聳寒翠母氏斷機堂石像何惴惴下拜復
徬徨愴然墮我淚灑掃何寂寥門廡少倫次佇望念前
修遺軌毋中墜

行經兗州懷東魯諸生

平原何莽蕩蔽業見鳧嶧大壑起寒烟泗水已咫尺有
美彼諸生聯翩聚講席討論餘清燕絃歌奏金石寒暑
甫三徂詩書就奔迫道旁少居人所見無逢掖良士匿
幽棲珠玉媚山澤浮雲難久留征馬無停策徒餘懷舊
情皎月悵今夕

愚山先生詩集

卷七

五言古

古

施愚山先生學餘詩集卷之八

五言古

官齋月夜

空庭月色厚皎若雪盈尺俯仰天地間茫茫一虛白獨
鶴時長鳴修篁露微滴遙憶山中人清光各茲夕嗒然
竟何言抱膝江潭客

河間城北值楊綱如同年

使君津門來相逢渤海側黃埃各滿面不辨真顏色天
陰野莽曠羣動漸歸息執手坐草間感舊撫胸臆三年
越江海九年別京國浮雲偶然合中情去何極天路阻
且長分飛慎羽翼

愚山先生詩集

卷八

五言古

盧溝橋值烈風輿人颭颭欲仆

平生無長物十年一羊裘疾風吹面裂短袖不蒙頭飛
埃蔽城郭劃地走山丘筍輿殫衆力如曳千斛舟鐵騎
雜牛車縱橫驚電流痛僕畏剽掠魄駭心若抽不游燕
薊路誰識風沙愁念彼塞外苦行人更淚流

贈汪郎中茗文

索居良永久戚戚多悲辛南發湘江岸北遵易水濱攬
衣君子堂抗言千載人游娛累清夜讌笑瑩心神消渴
賦子虛相如竟長貧策馬登高臺丘墓蔽荒榛纓冕更
相追奄忽風中塵何如清商曲流響激浮雲浮雲結不
解此意終難陳

誦蔣虎臣修撰贈別

肅肅雲中雁嗷嗷念其羣相去徂九秋竭來彌再旬朝
出莫夜歸鼎鼎隨車塵素心鬱誰語子實餐霞人憐我
客游老歎息展憂勤步趾越廣陌臨別歌陽春撫心自
多感倉卒難具陳人生貴有道飛蓬故有根百年苦晝
短何事常艱辛行當涉南浦回望西北雲道遠望不極
嗷嗷良爲君

出都懷宋直方宗丞

晨裝遲不發日夜驅我馬飛塵何飄颻悲風來四野逐
衆苦形疲失儔恨歡寡我有丘中琴長謠誰知者

懷陳允倩

愚山先生詩集

卷八 五言古

二

習苦從物役未敢言煩疴心結不能已但爲離思多與
子同曲宴永夕悲且歌相期松與柏不願爲女蘿德音
誰不瑕陽景委頽波英華亦云美當如零落何長懷肥
遯客頤性棲層阿

德州雪夜同程周量李霖瞻集趙仲啟進士宅

重陰彌四字薄暮迷路蹊下馬不遑食雨雪凝我衣故
人具旨酒賓至信如歸華館覆重幔雅饌兼園葵召我
心所歡談讌相因依歲寒昵故舊行矣悵乖離將子勉
自愛阻澗同音徽

荅程舍人周量

舍人起自南海多京洛之游余識之滕王閣上

尋相值衛河出古體三章頗申久要之好故具
荅焉

伯牙操逸響抱琴長不彈問君何拂鬱知音良獨難涼
風振江漢天宇高且寒鳧雁集中渚皎月依層欄竭來
佳人會長嘯開襟顏浮雲無根帶日暮久盤桓思心若
流水竟夕起波瀾

二

明珠出海隅馳光照帝城素心恥雕飾力難辭世榮驅
車向京洛把臂求友生遭此梁園客倡和有同聲望古
未云遠振綏抗前旌悠悠行路子中道相合并新歡眷
良匹妙曲傷我情兩雪蔽長河斑馬徘徊鳴

愚山先生詩集

卷八

五言古

三

三

拓匠矜立言雕蟲恥詞賦繁華不終朝桃李非芳樹驅
車過鄒魯森然垂矩步顧瞻曠已後徘徊喟中路憂樂
苦傷人鄙哉託章句浮名非所希聊可展情愫與君締
古歡期爲金石固申章告同心白日忽將暮

齊河客舍喜李叱瞻自濟南枉過

時坐事
奪官

烈風吹荒野積雪成山阜故人從何來下馬執予手悲
喜相慰藉造次命杯酒自出袖中詩感慨時時有麒麟
觸網羅黃鐘賤瓦缶文士常軼軻命在敢不受觀君試
多艱壯顏未衰醜忍性齊愛憎韜光冒瑕垢丈夫飽萬
鍾何如擁二酉喟彼無根蓬東西各奔走登塗發浩歌

哀猿叫林藪

望蒙山

百里劃青冥千峰橫岵嶇掉尾逼海沂昂首趨岱嶽白日寒欲暝陰霞炯未落山川鎮魯邦靈異此棲託露泣巖際茶雪翳磻底藥游子倦攀躋悵望倚寥廓

悲野雀

行經沂州有餉鶴鴒者哀其義不忍食或曰州人捕雀爲業嗟乎蕪田不耕羅及野雀作詩示

州人

粉榆繁羽族瓊細無定名所謀非稻粱不與雞鶩爭張羅始何日遂使風俗成機發盡掩覆一羅穢羣生持此

愚山先生詩集

卷八 五言古

四

飲啄具充君鼎俎烹苦慚託體微不足一杯羹同類爲啾啾失侶長哀鳴君輟筵上箸請聽簷外聲

沂州將謁王休徵先生祠不果

王公祥故宅在白沙里相傳卧冰處人形宛然今稱其河曰孝河產魚最嘉

客行琅邪道北風吹客衣音徽懷往喆至性使人悲傷哉貧無養坐愁甘旨虧解衣卧層冰雙鯉躍清漪至今卧冰處伊人儼在茲河魚爲之美千載承孝思白沙有舊里歸然存古祠日暮不能往修途何威遲臨食進魚膾三歎中心違

河北生日

轉側忽不寐攬衣中夜興念我懸弧日愴然悲撫膺弱
齡慕會閔敢曰余未能中塗多岐路駑馬媿騫騰簡書
命行役振策踰高陵修坂被衰草陰崖雨雪凝憂來一
隕涕衝颺結爲冰少壯無須臾頽病坐相仍慎爾日將
昃春華無足稱

歲暮使過里門

于役過鄉國歲除歸敝廬久行成遠客親舊盈門握
手各言老尊酒聊相於沿溪有草閣峻嶒百尺餘階前
紅藥茁雪後寒梅疎延目俯清曠中腸還鬱紆自顧爲
浮雲臨風難久居豈敢薄纓組筋力已不如慚非丘園
士明發當脂車

愚山先生詩集

卷八 五言古

五

雙塔寺

在敬亭之麓助自黃
藥禪師一名廣教寺

林麓依崇巖松雨灑衣濕雙塔如老翁蒼顏比肩立上
有玉局銘摩挲隔層級摧殘劫火餘風雨百神集裴守
侈招提棟宇蔽原隰至今榛莽中遺礎纍百十事往鐘
磬稀夜闌龍象泣黃蘗逸難招白雲時出入舊井有靈
泉修綆誰當汲

追悼王于一

南州舊布衣賣文取一醉我獨飲君酒高歌畧文字知
音不在言執手各含意寧知是死別相憐已相棄白骨
返故鄉妻子有餘累努力念平生爲君卜幽隧游魂當
歸來遺草多在笥日落章江水盈盈故人淚

天涯路

天涯望不極盡是行人路日日換行人天涯路如故渺渺白雲遠萋萋芳草暮來者知爲誰但見行人去

生日客讌詩

庶類皆吾徒好生帝所與鋒刃更相尋殺機簇鼎俎一筵殄羣命所甘能幾許口腹成江河橫流不可禦割鮮日狼藉歡娛變辛楚味多禮數煩僂僂疲客主何如真率會高談送芳酌五簋與三養儉德有成矩我久戒特叙賓至時一舉蔬茗佐肴核隨興命歌舞及我所生日劬勞念父母蚤孤養不逮摧心淚如雨吾旣愛吾生彼詎甘就釜臨縛爭哀鳴札札相告語未死神已泣

見坡公戒

愚山先生詩集

卷八 五言古

六

親詩斯言觸肺腑寧敢佞浮屠饕餮盡取蘋藻薦神明至敬非簋簠百拜告賓筵同心勿我吐

此日足可惜寄劉潤伯

此日足可惜朋舊罕親密我今四十九君年五十一離居已七載寄書豈能悉聞子官閩州緩帶自暇逸珊瑚截作枕蘭蕙葺爲室賓僚就談讌咄嗟豐饌出侍立環歌兒琴箏間笙瑟爲樂當及時長夜歡未畢大海戢鯨鯢羣盜猶蟻蝨幕下喧笳絃城頭吹感粟歡妍不駐年安能髮如漆與君昔同學少小命儔匹野館傍藤蘿寒燈連蟋蟀共被眠繩牀學書爭秃筆壯長各飛馳浩蕩遊衡泌慙予劣蒲柳飲食倚參朮燕臺與歷下握手散

積疾官貧無長物所得是憂慄扁舟泊淮徐繫纜尤相
聽蓬窗酒旣闌夜語還啣啣前年得汝書雙淚霑短帙
去年書寄汝路遠恐遺失猶傳五馬客蹉跎滯吳質

吳謂

聖水

祇今但回首那得遽促膝昨聞買新宅相鄰如比櫛

爾我方東西何時對蓬華我今齒半落肌膚無一實不
惜就衰頽所嗟疎道術早梅花爛熳幽壑泉沕滴好鳥
爲我鳴春氣甘如蜜願言同一觴游娛永茲日東望九
仙山恍惚見翠嶽

意本作書數行耳忽用起句遂成長詩至野館傍藤蘿架燈連蟋蟀不覺

泫然愴時昔一漿相共時如昨日也

臨江荅毛大可留別二首

滄江涵宿霧蕭摵改春暉庭柯澹含華汀草寒且遲臨

愚山先生詩集

卷八 五言古

七

觴遲所歡竭來言當歸客游信云久惆悵沾裳衣衆鳥
雖咬咬同聲曠已稀朝遵楚江涘送子越江湄揮手不
能語佇立孤蓬飛

二

夕讌夜已闌持觴各忘餐佳人貽我曲逸響激哀彈糾
結膠不解含意良獨難九畹存孤根孰云日以蘭淮南
及吳會攬袂多故懼薄言往從遊江漢何漫漫道遠亦
孔邇輟棹且盤桓

谷村宿李司馬宅

羅文恭李忠肅諸公故居皆在此又近石蓮洞

宿莽盈四野谷口始良疇千家接烟火參差隱林丘源
泉出澗底春漲通江舟微雨山欲暝白雲瞻滄留故人

好亭館尊酒娛客游伊昔聚英彥蔚生此山陬精靈森
未墜喬木風颯颯寄言石蓮洞杖策期高秋

宿小江口

春流漲夕景引楫迴江磯洲渚芳杜沒烟火前村微暖
暖數峰見杳杳孤帆飛長江緬千里遠送何人歸澄波
漾皎月窈窕生清暉客行忽云久庭花應已稀

乞歸

守官多闕務牽迫成憂悲陳辭就憲府乞放東山陲大
匠無廢材泛愛垂恩私謂我方壯強掉頭去何之衰疾
不待老蒲柳先秋萎君看余齒豁及今歸已遲榆光幸
未暮藥石倘可治再愬乃逢怒切責多厲辭狂罪信莫
愚山先生詩集卷八五言古八
贖素心耿難違漆園甘曳尾北海思拂衣終當凜覆餗
長嘯掩荆扉

楊孝子刲股詩

孝子名天錫豐城諸生其母絕而復甦者七日

誰言一片肉報得三年乳誰言七日甦寸心不終古慈
烏口流血濕盡墳上土黃泉母有知雙淚亦如雨

夜赴池港

時迫送督府

高下開水田農人急春務向夕倚柴門歸犢識村路我
行過其野斜日挂高樹期會爭俄頃未暇論朝暮潦深
阡陌改野曠東西顧惟看馬跡多知從此路去車前豈
無騶領上已垂素始覺閑居好高眠散情慮

舟發南浦却寄熊司馬

春節旣云邁流光不可攀獨餘野花好叢生江岝間雖
非蘭與蕙聊復解客顏白鷗眠近渚見人猶未還因憶
湖上叟草閣東湖灣高詠躡彭澤目送浮雲閉惜哉難
與俱濯纓臨潺湲

贈子韶南遊贛江

有客黃山來長吟抱綠綺手揮廣陵散坐我雲壑裏行
行十八灘水石相清寒臨流操別曲愁見露華溥

月夕登虎瞰山

緒秋方薄寒暝色散平楚振衣肆行遊樓雉瞰沙渚輕
颺汎迴波圓景照孤嶼容與蘭漿移杳冥水雲舉燈明
烟樹中夜靜覺人語遐曠豈無懷流光悵時序

愚山先生詩集

卷人

五言古

九

江亭夕眺寄黎左巖前輩

清颺散宿霧返照明層峰雲歸修渚澗木落澄潭空丹
黃辨橘袖窈窕睇芙蓉所思不可見心賞冀誰同伊人
卧南浦夙昔耽喬松晞髮俯滄海飛策躡華嵩頽齒得
顏駐長嘯甘身俯西山有芝朮褰裳逝相從

舟行曉望

層巖淡空霽疎柯露稍晞朝雲懷故岫未忍隨風飛田
家始烟火野老開荆扉林景何爛熳霜葉含清暉詎知
遠行客中心如渴饑

雪中寄楊商賢諸子

落葉積空庭林鳥斂雙翅此時雪滿山正對寒江寺文

墨日以煩遲暮忽將至誰登洲上閣携壺同一醉

東熊漁濱金牛寺

夜聞淅瀝聲微霰灑竹柏朝來庭戶間坐見南山白躡
踏何所懷忽憶精廬客疎檻臨長川幽泉瀉白石不有
物外人誰當共長夕

寄關中田夫子

時爲刑部郎中久不調

昔別在吳會垂老入京國馳情展契濶解裝不遑食入
門何徬徨下拜淚沾臆人生若飛蓬別久不相識稟冬
多烈風歸鳥無停翼中夜把酒漿歡娛還歎息豈伊怨
離居嗷嗷懷令德彈冠媿早衰狗祿非我力鬱紆難盡
言佇立忘南北

愚山先生詩集

卷八

五言古

十

二

江國多愁思霜嚴楓葉衰客從關陝來遺書前致辭旣
傷天路阻還惜良會稀噉噉嶺猿嘯嗷嗷鴻雁飛含情
來橋柚所思天一涯物微遠莫致長歎淚交頤白圭苟
不玷策名揚清暉毋爲感留滯惆悵吾道非

懷浮山詩寄藥公

我聞浮渡山好峰七十二崩崩排空冥窈窕鑿深翠石
洞窮雕鐫森然百物備窟龍自雷雨山鬼棲薜荔巖高
倒景明下見浮雲墜出沒隨江烟虛無不在地奧區爲
誰造靈蹟此中闕中有冥心人高言越世事抉剔開混
茫乾坤受軒輊我性癖丘壑馳情有真寄行將策杖遊

餐霞破憔悴

春寒

江臯芳杜出蘭渚餘花飛携手臨高臺猶未成春衣柔
條雨雪苦黃鳥和歌稀命酒發歡宴令節少良時良辰
有淹速心賞君莫違

送王公掾之閩中就故人劉潤伯

少年強解事奮舌論聲詩盛年如流水一往不及追守
窮悲氣結狗祿傷神疲出處共老醜江海還別離瘴鄉
今暑雨客子傷鯨鯢恃有平生友傾身憐故知金盤薦
丹荔仙岫攀武夷行矣四方志毋爲牖下兒

送徐叙公還里

愚山先生詩集

卷八

五言古

七

澄江見白石秋草辨芳蘭結友不在多久要良獨難送
子返故鄉念昔同憂患濡翰各縱橫壯志仰天歎過從
無主客自索中厨餐離居重良會千里憐舊歡素襟兩
不易蘊懷無時殫盛夏五六月永嘯天風寒黃鵠會當
舉橫絕浮雲端誰爲感垂翅使我心憂酸

流人篇

閩海多流人江甸多蕪田不肯自力作拱木生田間流
人鳥獸來野宿餐寒烟化離憫喪亂父老爲泫然保聚
使荷耒緝茅依山原種蔗復種芋地利餘金錢浸尋立
雄長倡和成聲援逋租陵土著攘臂相怒喧百千勢莫
制殺牛燒屋椽驅除旣不可馴致釀亂源當塗重闢土

吞聲莫敢言

奉寄錢虞山宗伯

公爲余作愚樓對就亭銘

嶰竹無凡吹曠曲不虛操寄言何偉麗丹霞曜層霄深
衷三致意斯文傷寂寥凌雲聳絕軌眷謂予聯鑣沈雄
子雲賦排惻靈均騷念茲言馥郁感君心鬱陶登樓望
吳會江漢邈招要威鳳翥丹穴野鶴鳴林臯音響苟相
追寧知天路遙

贈郭生入河

郭生梗概人踽踽託巖穴躬耕原上雲坐嘯松間月長
貧謝婚宦聚書療饑渴晚食饜寒泉掉頭耻于謁強致
與我俱苦辭人事拙理照外無營析理中不竭通儒薄
愚山先生詩集卷八五言古

固窮獨行久渴歇嘉此介士懷不淄如積雪

晨登西山絕頂尋香城舊址

有古硯石講經臺前對蕭仙峯

秋景麗崇巖寨寨拾往蹟翩翩無心雲遲我遊嘯客崎
嶽千仞峰傑構想疇昔硯石苔蘚青經臺瑤草碧遠影
辨江湖清颺厲松柏前峰吹玉簫羽人在咫尺冷然思
御風願假雙飛翮

東湖

湛湛東湖水皎皎西山峰白雲自西來散落澄波中綠
陂漾蒲葦被浦紛芙蓉岍傍狐兔穴蕪沒悲故宮徐亭
及蘇圃髣髴存遺踪纁帛豈不美蓬藿耽固窮長懷希
二子高軌誰與同千載洲渚上爲君生清風

澹臺墓

子羽善含章梗介蘊雄略高步薄詭隨棲遯躡芒屨寥
寥衡門內絃歌時間作中流怒雙蛟長嘯氣不怍揮劍
復碎壁慷慨何卓犖寧知渡淮泗音徽播文學豐碑湖
山涯古祠照城郭洋洋江漢間流風一如昨

愚山先生詩集

卷八

五言古

三

07222

施愚山先生學餘詩集卷之八終



